



Газета 1966 йил 1 июлдан чиқа бошлаган

ШАҲАР ИЖТИМОИЙ-СИЁСИЙ ГАЗЕТАСИ

№ 29 [14.080]

Баҳоси эркин нарҳда



ЎЗБЕКИСТОН ПРЕЗИДЕНТИНИНГ ТУРКИЯ ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА

26 февраль куни Ўзбекистон Республикаси Президенти Шавкат Мирзиёевнинг Туркия Республикаси Президенти Режеп Таййип Эрдоган билан телефон орқали мулоқоти бўлиб ўтди.

Сўхбат аввалида давлатимиз раҳбари Туркия етакчисини таваддуруқ билан самимий табриклар, унга бахт-саодат ва янги зафарлар, дўст Туркия халқига эса фаровонлик тилади.

Президент Режеп Таййип Эрдоганнинг мамлакатни барқарор ривожлантириш, халқаро майдондаги нуфузини оширишдаги тарихий ўрни алоҳида қайд этилди. Давлатларимиз ўртасидаги дўстлик ва стратегик шериклик муносабатларини мустаҳкамлашга қўшган катта ҳиссаси юксак баҳоланди.

Президентлар шу ой Туркияга амалга оширилган олий даражадаги таширнинг самарали натижаларини катта мамнуният билан қайд этдилар.

Мулоқот чоғида кўп қиррали ҳамкорликни кенгайтириш бўйича икки томонлама келишувларни амалга ошириш масалалари батафсил кўриб чиқилди.

Ўзбекистон ва Туркиянинг етакчи компаниялари иштирокида истиқболли лойиҳаларни ишлаб чиқиш ва ўз вақтида амалга ошириш муҳимлиги алоҳида таъкидланди.

Шунингдек, Президентлар минтақавий ҳамкорлик ҳамда халқаро аҳамиятга молик долзарб масалалар юзасидан фикр алмашдилар.

ЎЗА

НАВОИЙ КОН-МЕТАЛЛУРГИЯ КОМБИНАТИ ЗАМОНАВИЙ КОМПАНИЯГА АЙЛАНТИРИЛАДИ

Ўзбекистон Республикаси Президенти Шавкат Мирзиёев 26 февраль куни "Навоий кон-металлургия комбинати" давлат корхонасини ислоҳ қилиш масалалари бўйича йиғилиш ўтказди.

Мазкур мажмуа мамлакатимиздаги энг йирик саноат корхонасидир. Бу ерда олтин, уран, нодир металллар, қурилиш ва дастгоҳсозлик саноати учун зарур маҳсулотлар, кенг турдаги халқ истеъмоли товарлари ишлаб чиқарилади. Комбинат юртимиздаги жами саноат маҳсулотининг 10 фоизини ва бюджет даромадининг 18 фоизини таъминлайди. Унда 54 мингдан зиёд ходим ишлайди.

Навоий кон-металлургия комбинати хом ашё ресурсларининг ҳажми бўйича жаҳондаги олтин ишлаб чиқарувчилар орасида учинчи ўринда туради. Лекин активларининг қиймати хорижий компанияларникига нисбатан анча кам. Масалан, ҳозирги кунда комбинатнинг баланс қиймати 1,3 миллиард доллар бўлса, шу даражадаги хорижий корхоналарнинг бозор нархи 11 миллиард долларни ташкил этади.

Шу боис НКМКни замонавий компанияга айлантириш мақсад қилинган. Давлатимиз томонидан бу борада комплекс чора-тадбирлар кўрилмоқда. Хусусан, Навоий кон-металлургия комбинатини 2026 йилгача ривожлантириш дастури изчил амалга оширилмоқда. Унинг доирасида 2017-2019 йилларда 1,2 миллиард доллар маблағ эвазига 8 та объект ишга туширилган. Натижада охириги уч йилда олтин ишлаб чиқариш ҳажми 2,5 фоиз, қумуш олиш 37 фоизга ошган.

Ўтган ойда Олий Мажлисга йўлланган Мурожаатномада Президентимиз Навоий кон-металлургия ва Олмалик кон-металлургия комбинатлари каби йирик саноат корхоналарида янги инвестицион лойиҳаларни амалга ошириш билан бирга, ушбу корхоналарни халқаро молия бозорининг тўлақон-

ли иштирокчисига айлантириш лозимлигини таъкидлаган эди.

Йиғилишда шу борадаги режа ва чора-тадбирлар кўриб чиқилди. Навоий кон-металлургия комбинатининг таркибий тузилмасини такомиллаштириш, корпоратив ошқораликни татбиқ этиш, ҳисоб-китобларни халқаро стандартларга ўтказиш масалалари муҳокама қилинди.

2026 йилга қадар корхонада ишлаб чиқариш ҳажмини 94 тоннага етказиш, бунинг учун 4 миллиард долларлик 40 та лойиҳани амалга ошириш кераклиги таъкидланди. Жумладан, лойиҳа қиймати 525 миллион доллар бўлган янги кони ўзлаштириш бўйича кўрсатмалар берилди.

Комбинатнинг бугунги кундаги 3,7 минг тонна олтин захираси халқаро стандартлар асосида баҳоланиб, корхона балансида акс эттирилиши зарурлиги белгиланди.

Давлат геология ва минерал ресурслар қўмитаси ва Молия вазирлигига захираларни баҳолаш ишлари ҳамда молиявий ҳисоботларни халқаро меъёрларга ўтказиш вазифаси қўйилди. Конлар захираси ва қамайиши тўғрисидаги ҳисоботлар, қазиб олиш лойиҳалари бўйича маълумотларни Австралия кодекси (JORC Code) асосида тайёрлаш муҳимлиги қайд этилди.

Навоий кон-металлургия комбинатининг корпоратив еврооблигацияларини чиқариш масаласига тўхталиб ўтилди.

Корхона раҳбари ва вазирлар юқоридаги вазифалар ижросини ташкил этиш юзасидан ҳисобот берди.

ЎЗА



МАМЛАКАТИМИЗДА

• Наманганда таълим ва мутахассислик халқаро кўргазмаси бўлиб ўтди. Иштирокчиларга мамлакатимиз, шунингдек, АКШ, Хитой, Германия, Латвия, Чехия, Англия, Малайзия, Венгрия, Канада, Сингапур, Жанубий Корея, Туркия каби давлатларнинг нуфузли олий ўқув юрталари ва уларнинг Ўзбекистондаги филиаллари, хорижда таълим олишга кўмаклашувчи ташкилотлар, нодавлат таълим муассасалари ҳамда ўқув курсларининг таълим ва бандлик йўналишидаги имкониятлари намойиш этилди.

• Мехрибонлик уйларида ёшларни ижтимоий ҳаётга тайёрлашда кўплаб муаммолар мавжуд. Уларнинг аксариятида шахсий турар жой мавжуд эмас. Мехрибонлик уйларида тарбияланган ёшларнинг айримлари жамиятга ижтимоий мослашууда қийналади, ишга киришда кўплаб қийинчиликлар юзага келади. Бу ҳақда Олий Мажлис Сенати Ёшлар, маданият ва спорт масалалари қўмитасининг мажлисида маълум қилинди. Унда сенаторлар, вазирлик ва идоралар мутасаддилари, олимлар ва мутахассислар, Мехрибонлик уйларида ҳамда SOS Тошкент шаҳридаги болалар маҳалласи вакиллари иштирок этди. Мажлисида ота-оналар қаровисиз қолган, Мехрибонлик уйларида тарбияланган ёшларнинг жамиятга ижтимоий мослашувидаги долзарб масалалар тўғрисида Вазирлар Маҳкамасига юборилган парламент сўровининг натижалари тегишли вазирлик ва идоралар мутасаддилари билан бирга муҳокама қилинди.

• "Намунали ички ишлар органларининг таянч пункти" республика кўрик-танловининг Андижон вилояти босқичи бўлиб ўтди. Танловда Андижон тумани Чем маҳалласига хизмат кўрсатувчи 55-таянч пунктига иккинчи, Асака тумани Кужган маҳалласига хизмат кўрсатувчи 89-таянч пунктига учинчи ўрин насиб этди. Шунингдек, "Энг фидойи сектор раҳбари", "Ибратли хотин-қизлар қўмитаси раиси", "Ички ишлар органлари бошлиқларининг энг фаол ёшлар масалалари бўйича ўринбосари", "Энг фидойи маҳалла раиси" сингари ўнга яқин номинациялар бўйича ҳам голблар аниқланди. Голби ва совриндорлар диплом, фахрий ёрлик, эсдалик совғалари билан тақдирланди.

ЖАҲОНДА

• Alphabet фейк суратларни аниқлай олувчи сервис яратди. Alphabet холдинги таркибига кирувчи Jigsaw компанияси суратларнинг ҳақиқийлиги ва унинг тахрирланганлигини аниқловчи Assembler бепул сервисини тақдим этди. Дастур суратларнинг бирлаштирилганини ёки объектлардан нусха кўчирилганини, шунингдек, нейротармоқлар орқали яратилган фейк суратларни аниқлашга қодир. Assembler'ни яратишга Берклидаги Калифорния, Мэриленд ва Италиянинг Неаполитан университетларидан мутахассислар жалб қилинган. Дастур муаллифларининг таъкидлашича, Assembler биринчи навбатда янгиликлар агентлигида ишлайдиган журналистларга ёрдам бериш мақсадида яратилмоқда. Дастур ёрдамида журналистлар ижтимоий тармоқлардаги сохта суратларни тезда аниқлай олади. Ҳозирги кунда Assembler'ни синовдан ўтказишда йирик оммавий ахборот воситаларида, хусусан, Agence France-Presse иштирок этмоқда. Assembler кенг омма фойдаланиши учун мўлжалланмаган.

• Хельсинки университетининг эксперти Энн Кивимяки узок муддат давомида истеъмол қилинадиган брусника меваси шарбати юқори қон босимини пасайтириши ва томирлар ҳолатини яхшилашини таъкидлаб ўтди. Гап шундаки, жониворларда ўтказилган тажрибада брусника, черника ва клюква шарбатларининг таъсири ўрганиб чиқилган. Натижада брусника шарбати қон босимини пасайтириб, қон томирлари функцияларининг бузилишини яхшилаши ҳамда кишиларни соғлом ҳолатга қайтаришда муҳим ўрин тутуши аниқланди.

ПОЙТАХТНИНГ БИР КУНИ

"Ўзэкспомарказ" миллий кўргазмалар мажмуида "Uzbuild Tashkent - 2020" ва "Build Tech - 2020" халқаро кўргазмаларида инновацион композит ва полимер қурилиш материаллари, энг янги қурилиш технологиялари, машина ва дастгоҳлар намойиш этилмоқда.

ТОШКЕНТДА ЭНГ ЯНГИ ҚУРИЛИШ ТЕХНОЛОГИЯЛАРИ НАМОЙИШ ЭТИЛМОҚДА

Бу ерга жаҳоннинг 25 мамлакатидан 400 дан зиёд компания ва дунёга машҳур брендлар ўзларининг энг сўнгги ишланмалари ва маҳсулотларини олиб келган.

Кўргазмалар Ўзбекистон Республикаси Инвестициялар ва ташқи савдо вазирлиги, Савдо-саноат палатаси, Қурилиш вазирлиги, "Ўзсаноатқурилишматериаллари" уюшмаси ва "ТТЕ Uzbekistan" халқаро кўргазма компанияси томонидан ташкил этилди.

Бу йил анъанавий тарзда ҳар йили ўтказиладиган "Uzbuild

Tashkent - 2020" кўргазмаси чиқариш ўзлаштирилмоқда. Бу меъморчилик ва қурилиш бизнесини ривожлантириш янги, янада арзон ва ишончли қурилиш материалларини ишлаб чиқиш ва жорий этишни талаб этади. Авваллари бетон, темир ва гишт асосий қурилиш материаллари сифатида хизмат қилган бўлса, ҳозирги кунда замонавий фан бир қарашда алмаштириб бўлмайдиган маҳсулотнинг ҳам ўрнини боса оладиган материалларни яратди.

(Давоми 2-бетда)

ДАВЛАТ БОШҚАРУВИНИ ТАКОМИЛЛАШТИРИШ БЎЙИЧА ТРЕНИНГ

Ўзбекистон Республикаси Президенти Шавкат Мирзиёевнинг 2019 йил 24-26 март кунлари Бирлашган Араб Амирликларига расмий ташрифи чоғида БАА ҳукумати билан давлат бошқаруви самарадорлигини ошириш ва давлат органлари фаолиятига инновацияларни жорий этиш соҳаларида кенг қўламли ҳамкорликни амалга ошириш бўйича келишувларга эришилган эди.

Жумладан, Ўзбекистон ва Амирликлар давлат институтлари ҳамкорлигини мустаҳкамлаш, БААнинг давлат бошқаруви тизимини такомиллаштиришга доир тажрибасини ўрганиш ва уни миллий манфаатларимизни ҳисобга олган ҳолда мамлакатимизда жорий қилиш бўйича тегишли чора-тадбирлар белгилаб олинган.

Ушбу келишув ижроси доирасида Ўзбекистон Республикаси Адлия вазирлигида 24 февраль куни

БАА Вазирлар Маҳкамаси ишлари ва келажақ вазирлиги вакили Азиз Хмуд Ал-Амери бошчилигидаги делегация аъзолари мамлакатимиз вазирлик ва давлат идоралари ходимлари учун тренинг ташкил этди. "Ўмумий сифат бошқаруви: ҳукумат фаолиятини такомиллаштириш" мавзусидаги ўқувда иштирокчилар ҳукумат ва унинг таркибига кирувчи вазирлик ва идоралар фаолиятини янада такомиллаштириш ҳамда Ўзбекистон ҳукумати фаолияти са-

марадорлиги ва салоҳиятини оширишда Амирликлар тажрибасини қўллаш бўйича ўзаро фикр алмашди.

Тадбирнинг биринчи кунда давлат тизимини шакллантириш, менежмент, стратегия ва уни амалга ошириш, стратегик мақсадга эришишда ютуқларни ўлчаш, самарали бошқарув воситаларини қўллаш ва самарадорликни баҳолаш воситаларидан фойдаланган ҳолда иш фаолиятини мониторинг қилиш бўйича БАА тажрибаси ўрганилди.

Иштирокчилар Бирлашган Араб Амирликларининг давлат бошқарувини такомиллаштириш соҳасида етакчи давлатлар қаторида жой олгани, Ўзбекистонда ҳам бу борада кенг қўламли ислохотлар амалга ошириладиганини таъкидлади.

ЎЗА

ЎЗБЕКИСТОН ВА ҚОЗОҒИСТОН ҲУДУДЛАРИ САВДО-ИҚТИСОДИЙ ҲАМКОРЛИКНИ РИВОЖЛАНТИРМОҚДА

Урганч шаҳрида 25-26 февраль кунлари иккинчи Ўзбекистон - Қозоғистон ҳудудлараро ҳамкорлик форуми бўлиб ўтди.

Икки мамлакат ўртасидаги азалӣ дўстлик, яқин қўшничилик ва стратегик шериклик муносабатларини янада мустаҳкамлаш, ҳудудларнинг саноат салоҳияти ва имкониятлари тўғрисида ўзаро маълумот алмашиш, тўғридан-тўғри ҳамкорлик йўналишларини белгилаб олиш мақсадида ташкил этилган ушбу форумда Қозоғистондан 200 дан ортиқ, мамлакатимиз вилоятларидан 150 га яқин ишбилармон доира вакиллари қатнашди.

Форумнинг биринчи кунги икки мамлакат вазирлиги ва идоралари масъул ходимлари, ҳудудлар раҳбарлари, тадбиркорлар, иқтисодчи олимлар иштирокчи бўлиб ўтди. Чегарадош ҳудудлар бизнес вакиллари учрашувлари ҳамда Ўзбекистон ва Қозоғистонда ишлаб чиқарилган маҳсулотлар кўргазмаси ташкил этилди. Тадбирлар доирасида қатор савдо-инвестициявий шартномалар, ҳудудлараро муносабатларни ривожлантириш бўйича келишувлар имзоланди.

26 февраль куни Ўзбекистон Республикаси Бош вазири Абдулла Арипов ва Қозоғистон Республикаси Бош вазири Асқар Мамин иштирокида ҳукуматлар делегацияларининг учрашуви бўлиб ўтди.

А.Арипов кейинги йилларда мамлакатларимиз раҳбарлари ўртасидаги дўстона муносабатлар икки томонлама алоқаларнинг сифат жиҳатидан янги босқичга кўтарилишига замин яратгани, бугунги кунда Ўзбекистон - Қозоғистон ҳамкорлиги кўплаб соҳаларда, жумладан, савдо-иқтисодий йўналишда жадал ривожланаётганини таъкидлади.

Асқар Мамин мазкур форум юқори савияда ташкил этилганини алоҳида қайд этиб, анъанавий меҳ-

мондўстлик учун самимий миннатдорлик билдирди. Қозоғистоннинг Биринчи Президенти - Элбоши Нурсултон Назарбоев ва Ўзбекистон Президенти Шавкат Мирзиёев ташаббуси билан мунтазам ўтказилаётган ҳудудлараро ҳамкорлик форумини мамлакатларимиз алоқаларининг фаоллашувига ҳисса қўшаётгани таъкидланди.

Биринчи форум 2018 йил ноябрь ойида Чимкент шаҳрида ўтказилган эди. Унда эришилган келишувлар бугунги кунда ўз натижаларини бермоқда.

Иқтисодийнинг етакчи соҳа ва тармоқларидаги алоқалар жадаллашгани туфайли мамлакатларимизнинг ўзаро савдо ҳажми 2019 йилда қарийб икки баробар ўсиб, 3,3 миллиард доллардан ошди. Икки давлат раҳбарлари томонидан ҳукуматлар зиммасига ҳозир йилда ўзаро савдо ҳажмини 5 миллиард долларга, яқин йилларда 10 миллиард долларга етказиш вазифаси қўйилган. Бунинг учун мамлакатларимизда етарли салоҳият мавжуд.

Ўзбекистон - Қозоғистон ҳудудлараро ҳамкорлик форуми савдо-иқтисодий, сарможий, транспорт ва коммуникация, қишлоқ хўжалиги, сайёҳлик, таълим соҳаларидаги лойиҳаларни амалга ошириш, шунингдек, ҳудудлар ўртасидаги ўзаро ҳамкорликни кенгайтиришда муҳим аҳамият касб этади. Ўтган бир йилдан зиёд вақт мобайнида мамлакатларимиз вилоятлари раҳбарлари ўртасида тўғридан-тўғри алоқалар фаоллашгани, вилоятлар делегацияларининг 12 та ўзаро ташрифи амалга оширилгани бунга яққол мисол. Натижада ҳудудлар ўртасидаги савдо ҳажми 40 фоиз ошди.

(Давоми 2-бетда)

Ўзбекистон Республикаси Бош вазирининг Тошкент шаҳар Олмасор туманидаги Тадбиркорлар мурожаатларини кўриб чиқиш қабулхонаси томонидан 2019 йилда тадбиркорларнинг ҳақ-ҳуқуқлари ва эркинликларини таъминлаш ҳамда мустаҳкамлаш, жамият ва давлат манфаатларини ҳимоя қилиш борасида тизимли ишлар амалга оширилди.

Жумладан, 2019 йилнинг 31 июль кuni туманининг кичик саноат зонаси дирекцияси ҳудудида туман ҳокимлиги ҳамда мутасадди идора ва ҳуқуқни муҳофаза қилувчи органлар раҳбарлари билан ҳамкорликда бевосита жойларга чиқиб, туманда фаолият юритаётган тадбиркорлик субъектлари билан индивидуал тарзда учрашувлар ўтказилиб, давра суҳбатлари ташкил этилди.

Республикаси Бош вазирининг Тадбиркорлар мурожаатларини кўриб чиқиш қабулхонаси томонидан назоратга олинганлиги ва ҳал этиш чоралари кўрилганлиги натижасида ижобий тарзда ҳал қилинди.

ликаси Бош вазирининг Тадбиркорлар мурожаатларини кўриб чиқиш қабулхонаси иш юритишга келиб тушган мурожаатлар бевосита таҳлил қилиб, ўрганилганда, 2020 йилнинг 1 январь санаси ҳолатига тадбиркорлик субъектлари ҳамда тадбиркорлик фаолияти билан шуғулланиш истагида бўлган жисмоний шахслардан жами 81 та мурожаатлар келиб тушган бўлиб, шундан 20 таси ёки 27,7 фоизи "business.gov.uz", 16 таси ёки 19,7 фоизи "Call" маркази, 10 таси ёки 12,3 фоизи "Қабулхоналар" орқали келиб тушган бўлса, 35 таси ёки 43,2 фоизи бевосита тумандаги Бош вазир қабулхонаси

салаларига оид, 43 таси ёки 53,1 фоизи бошқа турдаги масалаларга оид мурожаатларни ташкил қилган.

ЭРИШИЛГАН ЮТУҚЛАРГА ҲАВОЛАНМАСДАН КАМЧИЛИКЛАР УСТИДА БОШ ҚОТИРИШМИЗ ШАРТ

ликаси Бош вазирининг Тадбиркорлар мурожаатларини кўриб чиқиш қабулхонаси томонидан ўтказилган тадбирларда секторлар бўйича бириктирилган маҳаллаларни бириктирилган ҳолда қорхона, ташкилот ва муассасаларнинг маъмурий биносига, 9 таси эса ўрта мактаб, лицей ва коллеж ўқув муассасаларининг махсус залларида ўтказилди, 19 таси эса бевосита ҳар бир маҳалла фуқаролар йиғинлари маъмурий идораларида ташкил этилди.

томонидан ўтказилган сайёр қабуллар натижасида қайд этилган мурожаатларни ташкил этмоқда. Мазкур мурожаатлар юзасидан 72 турдаги масалалар кўриб чиқилиш юзасини киритилди.

Кўриқда қайд этиб ўтилганлар билан бир қаторда, мурожаатларнинг мазмунан кўриб чиқиш ва уларни ҳал этиш масаласидаги таҳлилларга эътибор қаратадиган бўлса, жами келиб тушган 81 та мурожаатларнинг 78 таси ҳал этилган мурожаатлар тоифасига киритилган бўлсада, лекин уларнинг атиги 6 таси ёки 7,7 фоизи реал тарзда ҳал қилиниб, қаноатлантирилган, қолган 72 таси ёки 92,3 фоизи бўйича тушунтиришлар бериш билан чекланиб қолган ҳолос.

Бундан ташқари, Олмасор туманидаги Ўзбекистон Республикаси Бош вазирининг Тадбиркорлар мурожаатларини кўриб чиқиш қабулхонасига 2019 йилнинг август ойида тадбиркорлик фаолияти билан шуғулланиш истагида бўлган фуқароларга "Хар бир оила — тадбиркор" давлат дастурига кўра, кредит маблағи ажратиш масаласида банк муассасаларига тегишли тартибда ҳужжатлар тақдим қилган бўлсаларда, орадан бир неча ой вақт ўтган бўлишига қарамай, банклар томонидан уларга кредит маблағлари ажратилмаётганлиги юзасидан қилган мурожаатлари тингланиб, уларга ҳуқуқий тушунтиришлар берилиб, тегишли тартибда ҳал этиш учун расмийлаштирилди.

Мазкур учрашув, давра суҳбатлари ва сайёр қабул тадбирларини ўтказишда жами 516 нафардан иборат тадбиркорлик субъектлари ҳамда тадбиркорлик фаолияти билан шуғулланиш истагида бўлган фуқаролар иштироки таъминланди. Ушбу сайёр қабуллар жараёнида турли хилдаги масалалар бўйича 35 та ёзма ва оғзаки мурожаатлар қабул қилиниб, "business.gov.uz" ягона интерактив порталига мазмунан кўриб чиқиб, ҳал этиш учун жойлаштирилди.

Умумий қайд этилган мурожаатлардан жами 78 таси ёки 96,3 фоизи ҳал этилган бўлиб, шулардан 49 таси ёки 60,5 фоизи туман даражасида, 22 таси ёки 27,2 фоизи шаҳар даражасида, 7 таси ёки 8,6 фоизи эса республика даражасида ҳал этилган мурожаатларга тўғри келмоқда.

Кобилжон АТАХАНОВ, Ўзбекистон Республикаси Бош вазирининг Тошкент шаҳар Олмасор туманидаги Тадбиркорлар мурожаатларини кўриб чиқиш қабулхонаси мудир

ЎЗБЕКИСТОН ВА ҚОЗОГИСТОН ҲУДУДЛАРИ САВДО-ИҚТИСОДИЙ ҲАМКОРЛИКНИ РИВОЖЛАНТИРМОҚДА

(Давоми. Боши 1-бетда)

Иккинчи Ўзбекистон – Қозоғистон ҳудудларо ҳамкорлик форуми доирасида ўтган ҳукуматлар легидациялари учрашувида мамлакатларимиз ўртасида савдо-иқтисодий соҳада қўшма лойиҳаларни амалга ошириш, ҳудудлар ўртасида тўғридан-тўғри алоқаларни кенгайтириш, божхона, энергетика, сувдан фойдаланиш, транспорт-транзит каби йўналишларда ҳамкорликни ривожлантириш истиқболлари кўриб чиқилди.

Учрашув якунида Ўзбекистон Республикаси Бош вазир Абдулла Арипов ва Қозоғистон Республикаси Бош вазир Аскар Мамин иккинчи Ўзбекистон – Қозоғистон ҳудудларо ҳамкорлик форумининг якуний декларациясини имзолади.

Жумладан, Ўзбекистон Республикаси Иқтисодиёт ва саноат, Инвестициялар ва ташқи савдо вазирликлари, Савдо-саноат палатаси, "Ўзвотсаноат" уюшмаси, Қоракалпоғистон Республикаси, Нарвоий, Бухоро, Хоразм, Сирдарё, Тошкент вилоятлари ҳокимликлари, Қозоғистондан Савдо ва интеграция, Миллий иқтисодий вазирликлари, Мангистау, Қизил Ўрда, Оқтўбе, Қўстанай, Туркистон вилоятлари, Чимкент шаҳри ҳокимиятлари ўртасида тегишли ҳужжатлар қабул қилинди.

Қозоғистон ҳукумати раҳбари Аскар Мамин Ўзбекистон Республикаси Бош вазир Абдулла Арипов ҳамроҳлигида шу кун қадимий Хива шаҳрини томоша қилди.

Файрат ХОННАЗАРОВ, Аҳмаджон ШОКИРОВ, ЎЗА МУХБИРЛАРИ

ТОШКЕНТДА ЭНГ ЯНГИ ҚУРИЛИШ ТЕХНОЛОГИЯЛАРИ НАМОЙИШ ЭТИЛМОҚДА

(Давоми. Боши 1-бетда)

Кўргазмада ўз хусусиятлари бўйича аъёнанавий қурилиш материаллари нисбатан кўпроқ афзалликларга эга бўлган инновацион қурилиш материаллари ишлаб чиқарувчи юзлаб компаниялар ўз махсуслатларини тақдим этмоқда.

— Йилдан-йилга металл нархи ортиб бормоқда, шунинг учун қурилиш баҳоси ҳам кўтарилаётти, — дейди "Universal FRP systems" МЧЖ тижорат директори Қаҳрамон Нишонов. — Биз ишлаб чиқарадиган шиша композитли арматура аъёнанавий металл арматуранин муқобили бўлиб, унинг асосий рақиб ҳисобланади.

Тошкентга кўп йиллардан буюн маҳаллий ишлаб чиқарувчи билан ҳамкорлик қилиб келаётган Россия компаниялари ҳам ўларнинг инновацион махсуслатларини олиб келишган.

— Бизнинг қорхонамиз тўлиқ циклга эга бўлган металлургия қорхонаси бўлиб қанақадан ва ҳар йили 20 миллион тонна тонна ҳаммаёқ қазиб оламиз. Шундан 11,5 миллион тонна пўлат ишлаб чиқарамиз, — дейди "Северсталь менеджмент" АЖ регионал савдо бўлими бошлиғи Виктор Никифоров. — Бугунги кунда бизнинг қорхонамиз ўзбек автомобилчилик соҳаси учун асосий металл прокати етакчи бериувчи саналади, махсуслатимиз ўзбек бозорига ҳам келтирилган.

Италия меъморчилик ва қурилиш технологиялари тараққий этган етакчи мамлакатлардан бири ҳисобланади. У ерда инновацион ва аъёнанавий қурилиш материаллари керакли юқори тоқли ускуналар ишлаб чиқарилади.

— Бизнинг фирмамиз тошларга ишлов беришга ихтисослашган ва бу соҳада етакчи қорхоналардан ҳисобланади, — дейди "Beton" компанияси экспорт савдо бўйича менежери Сергей Дорожко. — Дунёда кварц асосида ишлаб чиқариладиган барча алгомерлар бизнинг ускуналаримиз ёрдамида яратилади.

— Ўзқспомарказ" МКМнинг очик осмон остидаги кўргазма майдонида ўнлаб пўлат гигантлар жойлаштирилган, уларнинг ҳар бири қурилиш ишларининг алоҳида тури учун мўлжалланган.

Роман БОНДАРЧУК

ЮРТИМИЗДА 11 МИНГДАН ОШИҚ ШАХС ЎЗБЕКИСТОН ФУҚАРОЛИГИНИ ОЛДИ

Президентимиз Олий Мажлисга Мурожаатномасида бундан 28 йил олдин қабул қилинган "Ўзбекистон Республикаси фуқаролиги тўғрисида"ги қонун бугунги замон талабларига жавоб бермай қолганлигини таъкидлаб, 1995 йилгача мамлакатимизга келган ва шундан буюн доимий истиқомат қилаётганларга автоматик тарзда фуқаролик берилиши ва бу билан 50 минг нафарга яқин юрtdошларимизнинг фуқаролик бўйича муаммолари ҳал этилишига эътибор қаратди.

Бугунги кунда Олий Мажлис депутатлари, Вазирлар Маҳкамасининг мутасадди ходимлари, шу масалага алоқадор идоралар вакиллари фуқаролик тўғрисидаги қонуннинг тегишли моддаларига ўзгартиришлар киритишпти.

— Фуқаролиги йўқ шахсларнинг асосий қисми Тожикистон, Туркманистон, Қозоғистон ва Қирғизистонда яшаган ўзбеклар. Улар ўқиш, иш юзасидан, яна бир тоифаси эса қариндош-уруғлари Ўзбекистонда яшаётганлиги учун бошқа республикалардан кўчиб келишган, — дейди Ўзбекистон Ички ишлар вазирлиги Миграция ва фуқароликни расмийлаштириш бош бошқармаси бошлиғининг биринчи ўринбосари Шукрат Ходжаев. — Президентимизнинг "Ўзбекистон Республикаси фуқаролиги қабул қилиш тўғрисида"ги Фармонида кўра 2020 йилнинг февраль ойигача 11 мингдан зиёд шахс Ўзбекистон фуқаролигини олди.

— 1990 йил 18 январда Тожикистонда туғилганман, — дейди Шамсидин Бобоқуллов, — Ота-бобларим асли ўзбекистонлик. Қариндошларимиз Сурхондарё вилоятининг Жарқорғон туманида яшаётган. Ота-онам Тожикистоннинг Қўрғонтепа туманига Ўзбекистондан кўчиб боришган. Тўрт нафар фарзанди бўлишган. Бу орада Тожикистон нотинч бўлиб қолган. Шунинг учун 1994 йилда ота-онам бизларни олиб Ўзбекистонга бутунлай кўчиб келишган. Улар паспортларини Ўзбекистонга пропискага қўйиб қарақлигига эътибор беришмаган. 18 ёшга тулганимда менга яшаш гувоҳномаси берилди. 2017 йилда Ўзбекистон фуқаролигини олиш учун ҳужжатларимни топширдим. 2019 йил 26 февралда Ўзбекистон фуқаролигига қабул қилиниб, менга Ўзбекистон پاسпорти берилди. Уша йилнинг март ойида дадам ҳам Ўзбекистон фуқароси бўлди. Онам, акам ва акам ҳужжатларини топширишган. Паспорт олганимдан сўнг тадбиркорликка қўл ўрдим. Қурилиш фирмасини очдим. Бугунги кунда қорхонамда 6 нафар ишчи меҳнат қилмоқда. Илгари фуқаролигимиз йўқлиги учун тадбиркорлик қилишда қўйналардим. Бизга шундай имкониятлар яратиб бергани учун давлатимиз раҳбарига минг раҳмат.

Хонбиби МАХАМОВА

Мамлакатимизда сўнгги уч йил ичида фуқаролик жамиятининг шаклланиши ва унинг институтларини ривожлантиришга йўналтирилган меъёрий-ҳуқуқий асосларни тақомиллаштириш борасида муҳим қадамлар қўйилди. "Ёшларга оид давлат сиёсати тўғрисида"ги, "Коррупцияга қарши курашиш тўғрисида"ги, "Ҳуқуқий ахборотни тарқатиш ва ундан фойдаланишни таъминлаш тўғрисида"ги, "Жисмоний ва юридик шахсларнинг мурожаатлари тўғрисида"ги (янги таҳрирда) Ўзбекистон Республикаси Қонунлари шулар жумласидандир. Ўзбекистон Республикаси Президенти ҳузурида тадбиркорлик субъектлари ҳуқуқлари ва қонуний манфаатларини ҳимоя қилиш бўйича институт жорий этилди.

ҲАМКОРЛИКНИНГ САМАРАЛИ МЕХАНИЗМЛАРИ

2018 йилнинг апрель ойида қабул қилинган "Жамоатчилик назорати тўғрисида"ги Ўзбекистон Республикаси Қонунига нодавлат нотижорат ташкилотлари ва фуқаролик жамиятининг бошқа институтлари жамоатчилик назоратининг асосий субъектлари сифатида белгилаб қўйилди.

тадбирлари тўғрисида"ги Қарори муҳим аҳамиятга эга ҳисобланади.

Ўзбекистон Республикаси Президентининг 2018 йилнинг май ойидаги фармони билан мамлакат Президентини ҳузурида давлат ва фуқаролик жамиятининг мамлакатни янада ривожлантиришга йўналтирилган ҳаракатларини мувофиқлаштириб боруви, замонавий, демократик ва очик майдон вазирасини ўтайдиган Фуқаролик жамиятини ривожлантириш бўйича Мақсатли Кенгаши ташкил этилди.

Коллаверса, мамлакатимиз раҳбарининг соҳага оид фармон ва қарорлари асосида "Нуроний", Ёшлар иттифоқи, Савдо-саноат палатаси, Фермерлар уюшмаси каби йирик жамоат ташкилотларининг фаолиятини қўллаб-қувватлаш ва янада тақомиллаштиришга қаратилган чора-тадбирлар амалга оширилмоқда.

Шундан келиб чиқиб, мамлакатда демократик ислохотларни янада чуқурлаштириш, давлат ва жамият ўртасида таъсирчан ҳамда самарали мулоқотни йўлга қўйиш, давлат органлари фаолияти устидан жамоатчилик назоратини амалга оширишнинг мустаҳкам механизмларини ривожлантириш, улар фаолиятининг очиклиги ва шаффофлигини, фуқаролик жамияти институтлари билан самарали ҳамкорликни таъминлаш, шунингдек, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белги-ланган вазибаларни бажариш мақсадида бир қатор тадбирлар амалга оширилмоқда.

Шуни алоҳида таъкидлаб ўтиш жоизки, Инсон ҳуқуқ ва эркинликларини таъминлаш ва ҳимоя қилиш соҳасида ижтимоий мониторингни ташкил этишда фуқаролик институтлари иштирокининг изчил равишда кенгайтириб борилиши натижасида аниқ тақлифлар ишлаб чиқилиб, давлат органлари муҳокамасига киритиб боришмоқда.

2017-2019 йилларда қонун ҳужжатларига киритилган муҳим ўзгартиришлар орқали фуқароларнинг ўзини ўзи бошқариш органлари ва фуқаролик жамиятининг бошқа институтлари иштирокидаги қонун ҳужжатларининг жамоатчилик муҳокамасининг мажбурийлиги белгилаб қўйилди. Шунингдек, ҳудудларни ижтимоий-иқтисодий ривожлантириш вазибаларини ҳал қилишда фуқаролик жамияти институтларининг иштирокини кенгайтириш бўйича чора-тадбирлар амалга оширилмоқда.

Хусуса ўрнида шуни таъкидлаб ўтиш мумкинки, аҳолининг турли гуруҳларини бириктириш, уларнинг қонуний манфаатларини ифодалашда ҳалқ фуқаролик жамияти институтлари муҳим ижтимоий диагностика вазирасини бажариши. Ушбу вазира доирасида аҳоли фаровонлигига таъсир этувчи муҳим омилларни белгилаб, ижтимоий аҳамиятга эга қарорлар ишлаб чиқиш ҳамда аҳолига хизматларнинг янги турлари ва уларни тақдим этиш механизмларини тақомиллаштириш мумкин бўлади.

Хакимали АЗИМОВ, Дилафруз АЗИМОВА, Тошкент давлат юридик университети катта ўқитувчилари



Тиббиёт

БУТУН ДУНЁДА ТИББИЁТ ТЕКИН ЭМАС

Мамлакатимизда сўнги уч йилда тиббиёт соҳасида кенг кўламли ислохотлар амалга оширилди. Шунга қарамай, ҳали соҳада хусусан, аҳолига ихтисослаштирилган тиббий хизмат кўрсатиш сифатини яхшилаш борасида муаммолар бор. Тиббиёт муассасалари, хусусан, 16 та республика илмий-амалий тиббиёт марказига йўналтирилаётган имтиёзли тоифадли беморларга бериладиган бепул йўлланма – ордерлар ажратилишида шаффофлик таъминланмаган. Узоқ муддатли навбат қutiшлар беморларни ортиқча овора қилимоқда...

Ўзбекистон Республикаси Олий Мажлиси Қонунчилик палатаси Фуқароларнинг соғлигини сақлаш масалалари қўмитаси томонидан ўтказилган йиғилишда аҳолига ихтисослаштирилган тиббий хизмат кўрсатишдаги мавжуд муаммолар тахлил қилиниб, уларни бартараф этиш юзасидан таклифлар билдирилди.

Мутасаддиларнинг сўзларига кўра, давлат бюджети маблағлари ҳисобига тиббий ёрдам кўрсатиш тўғрисидаги низомга мувофиқ, йўлланма – ордер олиш учун миқдор янаша жойи бўйича қишлоқ врачлик пунктларига, қишлоқ ва шаҳар оилавий поликлиникаларига мурожаат қилади. Улар томонидан тиббий ёрдам олиш даражасига қараб, тиббиёт бирлашмаларининг тегишли марказий кўп тармоқли поликлиникаларига йўлланма берилади. Имтиёзли тоифага кирадиган йўлланма берилган миқдорга бепул тиббий ёрдам кўрсатиш учун тиббий-танлов комиссиясининг ҳулосаси асосида ордер расмийлаштирилади.

Шу ўринда бир мулоҳаза. Халқимиз орасида "тиббий хизматлар бепул", "текин тиббий хизмат" деган тушунча бор. Тиббиёт муассасаларида ҳам ана шундай ёзувларга кўзимиз тушади. Ҳақиқатда текин хизмат ёки бепул тиббий хизмат кўрсатиш ёки олиш мумкинми?

– Йўқ. Сабаби уларга кетадиган дори-дармон ва бошқа харажатларни қарндан қоплаш керак-ку?! Беморлар текин хизматдан фойдаландик, деб ўйлашлари мумкин. Аслида уларга кўрсатилган хизматлар давлат бюджети маблағлари ҳисобига молиялаштирилган бўлади, – дейди соғлиқни сақлаш вазири ўринбосари Баҳодир Юсупалиев. – Аҳолимиз бир нарсани тўғри тушунишни хоҳлардим. Бутун дунёда тиббиёт текин эмас. Бемор ўз ҳисобидан ёки давлат бюджети ҳисобидан даволашни мумкин.

Ўз соғлиғига бепарво бўлмаган масъулиятли фуқаролар қуйи босқичларда тиббий кўриклардан ўтиб, тўғридан-тўғри ордерсиз ихтисослаштирилган муассасаларга мурожаат қилса-чи? Шундай бўлган тақдирда, марказ томонидан тартибли миқдорларни рағбатлантириш, яъни беморнинг аҳолига қараб, унинг навбатини тизлаштириш ёки тўловни амалга оширишда имтиёзлар қўллаш мақсадага мувофиқ эмасми?

Депутатлар томонидан Соғлиқни сақлаш вазирилик мутасаддиларига ана шундай таклифлар билдирилди. Ордернинг ҳар кимга ҳам эмас, балки айнан ахтиёрманд фуқарога ажратилишига эришиш, ордер ажратиши бир идора тасарруфидан чиқариш, барча юртдошларимиз очиклик тамойили асосида йўлланмаларнинг ажратилишини кузатиш бўлишлари таъминлаш тизимини йўлга қўйиш таклиф этилди.

Токи, ҳар бир имтиёзли тиббий ёрдам олиш ҳуқуқига эга юртдошимиз давлатимизнинг кўрсатаётган кучли ижтимоий ғамхўрлигини амалда ҳис этиб турсин.

Моҳиғул ҚОСИМОВА, ЎЗА мухбири

Футбол янгиликлари

ФУТБОЛЧИЛАР СИНОВДАН ЎТКАЗИЛДИ

Футбол бўйича жорий йилнинг март ойидан 2022 йилда Қатарда ўтадиган жаҳон чемпионати саралаш турнирининг иккинчи босқич гуруҳ баҳслари давом эттирилишидан мухлислар хабардор албатта.

Ушбу нуфузли мусобақага пухта тайёргарлик кўриш мақсадида Вадим Абрамов бош мураббийлигидаги миллий терма жамоаси БААда ўқув-машғулот йиғинида иштирок этди.

Йиғин доирасида миллий терма жамоаси Беларусь миллий терма жамоасига қарши уюштирилган назорат-ўртоклик учрашувида майдонга тушди. Уйин давомида Вадим Абрамов миллий терма жамоага жалб этилган 17 нафар футболчини майдонга ту-

ширди. Кескин ва мurosасис курашлар остида кечган баҳс 26 дақиқада Павел Нехайчик томонидан Элдор Суёнов дарвозасига киритилган гол туфайли 1:0 ҳисобидаги беларусларнинг галабаси билан якунланди.

Об-ҳавонинг совиши натижасида аҳолининг иситиш мосламаларидан фойдаланишга бўлган эҳтиёжи ортиб боради. Бундай пайтларда айрим фуқароларнинг эҳтиётсизлиги оқибатида кўнгилсиз ҳодисалар содир бўлиши ва инсонлар исгазидан заҳарланиши мумкин.

ХОНАДОНИМИЗДА НЕГА ЁНҒИН СОДИР БЎЛДИ?

– Газ ускуналаридан фойдаланишда ёнғин ва хавфсизлик талабларига риоя қилишлари шарт, – дейди Миробод тумани Фавкуллода вазиятлар бўлими бошлиғи ўринбосари, подполковник Беғали Жўраев. – Қўлбола ва носоз газ иситиш мосламаларидан иложи борича фойдаланмаслик керак. Иситиш тизимини назоратсиз қолдириб бўлмайди. Ошхонада ўрнатилган табиий газда ишловчи газ плиталаридан хоналарни иситиш мақсадида фойдаланмаслик зарур. Иситиш печлари ва уларнинг мўриларини созилига, уларни турли буюм ва тўсиқлар билан беркитилмаслигига ва махсус ташкилотлар томонидан ўз вақтида тозаланишига алоҳида аҳамият бериш лозим. Иложи бўлса иситиш мосламалари яқинида ёнувчан буюмларни сақлаш керак. Газ ускуналарини улаш тартиб қоидаларига қатъий риоя қилиш, уларга резина шланглар орқали уланишга йўл қўймаслик керак. Агарда хонада газ ҳидини сезсангиз, чироқ ва учкун чиқарувчи мосламалардан умуман фойдаланмасдан тезда хонани шамоллатиш ҳамда газ хизматига зудлик билан хабар бериш лозим.

Кўчаси, 11-уйда ёнғин чиққанлиги тўғрисидаги хабарни олдик. Бу хонадонга келиб вазиятни ўргандик. Буви 2 ёшли набирасига ёндиргични (зажигалка) қандай қилиб ёкишни ўргатибди. Сигарет чекаётганида набира ёндиргични ёқиб турадиган бўлибди. Буви бозорга чиқиб кетгач, келин дарвоза ёнидаги ошхонага чиқиб таом тайёрлаш билан банд бўлган. Шу вақтда болакай ёндиргични олиб уйдаги буюмларни ёқа бошлаган. Учта хона ёнган. Ошхонада қуймаланаётган келин уй ёнаётганини кўриб, боласини ҳовлига олиб чиқиб, ўт ўчирувчиларга хабар берган. Бундай кўнгилсиз воқеа бўлмаслиги учун болаларни асло назоратсиз қолдирмаслик керак.

Ҳаётимизда учраб турадиган айрим кўнгилсиз воқеаларга ўзимиз сабабчимиз. Чунки айримлар газ плитаси устида ювилган кийимларни қуриштишга ҳаракат қилади. Газ плитаси устида овқат ёки чойнакни назоратсиз қолдиради. Бир вақтнинг ўзида бир нечта электр жиҳозларини токка улаймиз. Бундай зўриқшдан ҳам ёнғин келиб чиқиши мумкин. Қўлбола электр иситиш мосламаларидан ёки хоналарни иситиш мақсадида маиший газ жиҳозларидан фойдаланамиз.

Хонадонимизда ёнғин содир бўлмаслиги учун доимо ҳушёр ва ёнғин хавфсизлиги қоидаларига риоя қилишимиз лозим.

Ойгул ШОДИЕВА

СУД ҚАРОРИНИНГ ҲУРМАТИ ҚАЕРДА ҚОЛДИ?

Ўзбекистон Республикаси Олий судида тадбиркорлик фаолиятига тўсқинлик қилиш, хўжалик юритувчи субъектларнинг ҳуқуқлари ҳамда қонуний манфаатларига тажовуз билан боғлиқ ҳуқуқбузарлик ва жиноятлар учун жавобгарлик масаласига бағишланган очик мулоқот бўлиб ўтди.

Маълумки, пойтахтимизда тадбиркор томонидан 81 туп дарахтнинг кесилиши билан боғлиқ ҳолат жамоатчилик ўртасида кескин эътироз ва муҳокамаларга сабаб бўлган эди. Очик мулоқотда мазкур ҳолатга оид баъзи жиҳатлар муҳокама қилинди.

Тадбиркорда ҳокимнинг ер ажратиш тўғрисидаги қарори бор. Прокуратура мазкур қарорни бекор қилган. Лекин прокуратура томонидан бекор қилинган қарор Маъмурий суд томонидан ҳақиқий эмас деб топилган.

Маълум бўлишича, Маъмурий суднинг қарори қонуний кучда турибди. Шунга қарамадан тадбиркор жаримага тортилди, ундан қарийб 2 миллиард сўмлик зарар ундирилди. Дарахтлар кесилган жойда 150 туп дарахт экиладиган бўлди.

Ҳақли савол туғилади: тадбиркорга ер майдони иншоот қуриш учун ажратилган. Агар дарахтлар кесилмаса, иншоот қуриб бўлмайди. Бунга ким изоҳ беради?

Очик мулоқотда журналистлар томонидан берилган шу каби саволларга Олий суд судьялари томонидан атрофлича жавоб берилди.

Президентимизнинг 2019 йил 13 декабрдаги "Конституция ва қонун устуворлигини таъминлаш, бу борада жамоатчилик назоратини кучайтириш ҳамда жамиятда ҳуқуқий маданиятни юксалтириш бўйича қўшимча чоратадбирлар тўғрисида"ги қарорининг қабул қилиниши ҳам ушбу масаланинг долзарблигини англатади.

2019 йилда мамлакатимизда фаолият юритувчи Иқтисодий судлар томонидан жами 197 миң 291 иш кўриб

чиқилган. Мазкур ишларнинг 20 миң 810 таси хусусий тадбиркорлик субъектларининг даъвогарлигида қўзғатилган бўлиб, бу ишлар бўйича жавобгарлардан 2 миллиард 502 миллион сўм ундирилиши белгиланган. Мазкур тадбиркорларнинг 42 фоизи ўз вақтида солиқни тўламаган. Бу ишларнинг 17 миң 146 таси бўйича даъво қаноатлантирилиб, даъвогарлар фойдасига жавобгарлардан 1 миллиард 330 миллион сўм ундирилиши белгиланган.

Ушбу даврда турли мулкчилик шаклига асосланган даъвогарлар томонидан хусусий тадбиркорлик субъектларига нисбатан тақдим этилган даъвогар бўйича 152 миң 485 иш кўриб чиқилган бўлиб, бу тоифадаги жавобгарлардан 10 миллиард 591 миллион сўм ундирилиши белгиланган.

Кўрилган ишларнинг 137 миң 683 таси бўйича даъво қаноатлантирилиб, даъвогар фойдасига 7 миллиард 834 миллион сўм ундирилган бўлса, 10 миң 86 иш бўйича даъво қаноатлантириш рад этилган. 3 миң 73 иш бўйича даъво кўрмасдан қолдирилган ва 1 миң 643 даъво бўйича иш юритиш тугатилган.

Очик мулоқотда тадбиркорлик фаолиятига тўсқинлик қилиш, қонунга хилоф равишда аралашиб, хўжалик субъектларининг ҳуқуқлари ҳамда қонуний манфаатларига тажовуз қилиш билан боғлиқ ҳуқуқбузарлик ва жиноятлар учун жавобгарлик тўғрисида атрофлича маълумот берилди.

Ш.МАМАТУРОВА

Реклама ва эълонлар / Реклама ва эълонлар / Реклама ва эълонлар

Тошкент иқтисодий коллежи томонидан 2008 йилда Муминов Файзулло Хамидуллаевич номига берилган К № 1074816 рақамли диплом иловаси йўқолганлиги сабабли БЕКОР ҚИЛИНАДИ

"PSB Insurance" МЧЖ СК томонидан Юлдашев Фахриддин Купалбаевичга берилган 0021502-сонли полис ва Худайбергенова Раъно Раҳмановнага берилган 0021501-сонли полис бланкалари йўқолганлиги сабабли БЕКОР ҚИЛИНАДИ

"ТОШКЕНТ ОҚШОМИ" ва "ВЕЧЕРНИЙ ТАШКЕНТ" Эълонлар шанба ва якшанбадан ташқари ҳар куни соат 9.00 дан 16.00 гача қабул қилинади. Маълумотлар учун телефон: 233-28-95. Факс: (371) 232-11-39. Манзил: Матбуотчилар кўчаси, 32-уй, 2-қават, 225-хона.

Ю.Ражабий номи Тошкент педагогика коллежи томонидан 2009 йилда Қайюмова Окила Хикмат қизи номига берилган К № 1491849 рақамли диплом ва диплом иловаси йўқолганлиги сабабли БЕКОР ҚИЛИНАДИ

Ўзбекистон Республикаси Маданият вазирилик, Ўзбекистон Театр Арбоблари уюшмаси ҳамда Ўзбек Миллий Академик драма театри жамоаси Ўзбекистонда хизмат кўрсатган артист Ғайбулла ХОЖИЕВНИНГ вафот этганлиги муносабати билан марҳумнинг оила аъзолари ва яқинларига чуқур таъзия изҳор этади.

ЎЗГИДРОМЕТ ХАБАР ҚИЛАДИ Тошкент шаҳрида 28 февраль кунини ҳаво ўзгариб туради, ёғингарчилик бўлмайди. Кечаси ва эрталаб туман тушиши эҳтимоли бор. Шарқдан секундида 3-8 метр тезликда шамол эсади. Ҳарорат кечаси 1 даража соғуқ – 1 даража ишқ, кундузи 6-8 даража ишқ бўлади. Ўзгидрометнинг мониторинг хизмати маълумотига кўра, 28 февралда Тошкент шаҳрида об-ҳаво шартини шаҳар ҳаво муҳитида зарари моддаларнинг бир оз тарқалиб кетишига имконият яратди, ифржаниши даражаси наст бўлади.